



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus V. De Ferijs occurrentibus post Dominicam II. post Epiphan. ac deinceps usque ad Dominicam in Septuagesima generatim.

**urn:nbn:de:hbz:466:1-39937**

Dominica II. post Epiph. intelligenda etiam sunt suo modo de Dominica III. IV. V. & VI. post Epiphaniam.

Quid verò observandum sit, quando ob Festum 9. Lectionum occurrens in Dominica, habensque in primo Nocturno proprias Lektionen, *Initium* alicujus Libri S. Scripturæ, aut *Responsoria*, in aliqua Dominica primo ponenda, die suo poni non possunt, dicitur sequenti Titulo.

## TITULUS V.

### De Ferijs occurrentibus post Dominicam II. post Epiph. ac deinceps usque ad Dominicam in Septuagesima generatim.

**V**acante die (inquit Gavantus) ab alijs Christi, vel Sanctorum Festis, sit (extra Dominicas) de *Feria*, quod *Officium Domini* est, ut quisque intelligat, se DEO deditum huic uni vacare debere: cum enim horrent Fideles nominare *Hebdomada dies* à Dijs gentium (puta primam diem Solis; secundam diem Luna; tertiam diem Martis; quartam diem Mercurij; quintam diem Jovis; sextam diem Veneris; septimam diem Saturni, aut more Judaico eos à Sabbato primam, secundam &c. Sabbati nuncupare, ideo, acsi Dominica prima *Feria* diceretur, optabant reliquos ab ea dies *Feriam secundam*, *terciam* &c. (retento tantum nomine Sabbati quoad septimum illorum) appellari: cui Fidelium Voto gratificatur S. Sylvester Papa, *Sabbati & Domini* diei Nomine retento, reliquos

*Hebdomadae dies*, *Feriarum* nomine distinctos, ut jam antè in Ecclesia Vocari ceperant, *Ferias* mandavit appellari; quò significatur, quotidie Clericos, abjectâ cæterarum rerum curâ, à rebus alijs feriendo uni DEO prorsus vacare debere, atque adèd *Ferias*, hoc est, *Festum* agere sine fine: quoniam enim victimæ ut plurimum feriebantur *diebus Festivis*, & dies, quò solenne Victimarum Sacrificium fiebat, erat *dies Festus*: inde factum est apud Romanos, ut *dies Festi* dicerentur *Feriae*, vel à *ferendis* Victimis (ut ex Macrobio observat Forestus in Mappa mund. Tom. 2. l. 15. c. 9.) vel à *ferendis* Epulis, ut alij apud Joan. Azor Tom. 2. l. 1. c. 27. conjectant.

Quoties itaque post Octavam Epiphaniæ usque ad Dominicam in Septuagesima occurrit fieri de *Feria*, *Officium* sit totum ut in Psalterio (dicen-

[dicendo videlicet *Matutinum, Lau- des, ac Vesperas* cuius Ferie ibidem assignatas; *Primam* autem *Feriale*, & cum *Antiphonis, Capitulis*, ac *Responsoijs* brevibus *ferialibus* etiā reliquas *Horas*, ut ibi] exceptis tamen *Oratione* [quæ semper dicitur de *Dominica* præcedente] & 3. *Lectiōibus* *Nocturni* uniuscujusque Ferie, earūque *Responsoijs*: quarum *Illæ* *Communiter* dicuntur de *Scriptura* *occurrente*, h. e. ex *Ss. Litteris*, cuius per *Hebdomadam* Ferie in *Proprio* de *Tempore* assignatā; *Hæc* verò, regulariter loquendo, dicuntur, prout in eodem *Proprio* de *Tempore* infra *Hebdomadam* secundam post *Epiphaniam* pro singulis ejusdem Ferie assignantur; nam quæ dicuntur in Ferie illius *Hebdomadæ* secundæ post *Epiphaniam*, dicuntur, seu reperuntur etiam in Ferie sequentium *Hebdomadarum*, usque ad *Septuagesimam*; uti constat ex *Rubr. ibid.* in fine Ferie 2. positā, nec non ex *Rubr. Gen. Tit. 27. n. 5.* habentque singulæ per *Hebdomadam* Ferie *Responsoia* propria, exceptò *Sabbatò*, in quo, quando fit de Ferie, dicuntur *Responsoia* Ferie 4. *ibid.* circa *Invitatoriū* quoque Ferie II. dæ notandum est: quòd post consuetam illius primam *Repetitionem* statim subjungantur in *Psalmo* *Venite* hæc Verba: *Jubilemus DEO salutari nostro &c.* omnis primis Verbis *Psalmi*. Dixi autem:

*Communiter* ac *regulariter* loquendo dicitur *Lectiōes, & Responsoia* prædictò modò in *Officio Feriali*: siquidem tam circa *Lectiōes*, quàm *Responsoia* observanda hîc venit aliqua limitatio.

Ad *Lectiōes* quod attinet; si *Initium* alicujus *Scripturæ* occurrentis die suo poni non possit, aut non potuerit [ob occurrens v. g. eo die *Festum* proprias habens *Lectiōes*] tunc illud *Initium* poni debet die proximè sequenti [seu *Festo*, seu *Feriali*] alio simili *Initio* *Scripturæ* ponendo, aut *Festò* aliquò, proprias vel de *Scriptura*, vel de *Communi* *Lectiōes* habente, non impedito; *Lectiōes* verò illi die de eadem *Scriptura* assignatæ tunc vel unà cum *Superioribus* illis *Lectiōibus* initialibus legantur, vel penitus omittantur, ità, ut non oporteat eas amplius in alio sequenti die resumere, sed illæ deinceps legantur, quæ sua quaque die occurrunt, aut cum eisdem die isto jungantur.

Quòd si *Initium* alicujus *Scripturæ*, quod die suo poni non potuit, nec die etiam aliquo subsequenti illius *Hebdomadæ* poni possit [sed quòd sequentes omnes sint impediti vel aliò simili *initio* *Scripturæ* ponendò, vel *Festò* aliquò habente alias proprias *Lectiōes* in 1. *Nocturno*] possit autem poni die aliquò ex antecedentibus intra illam *Hebdomadam*, tunc omnino *Initium* illud in aliquem ex antecedentibus diebus est

C

trans-

transferendum, ita, ut aliquo modo in ea Hebdomade ponatur, etiam si plura Initia Scripturae eodem die poni oporteat, ob plura infra eandem Hebdomadem occurrentia: quo tamen in casu tria sunt cavenda. 1. Ne duo ejusmodi Initia sub una conclusione: *Tu autem Domine &c.* legantur. 2. Ut nullum extra propriam suam Hebdomadam Legatur. 3. Ut Initia Scripturae, quae die suo legi non potuerunt, non legantur in Feria, aut die aliqua praecedenti, quando in sequenti datur locus ea legendi. *Rubr. Gen. Tit. 26. n. 6. & 7. Gav. Tom. 2. Sect. 5. c. 12. à n. 11. Quamvis autem: Gav: ibid. n. 12. dicat: loquendo de Epistolis S. Pauli, & de Libris Regum, per Initium Libri intelligi solummodo 1. Epistolam S. Pauli, & 1. Librum Regum [eò quòd omnes Epistolae simul reputentur per modum unius Epistolae, & omnes 4. Libri Regum itidem simul sumpti constituant tantum unum Librum] ac proinde si Initia posteriorum Epistolarum vel Librorum assignato loco legi non possint, non esse opus ea postea legere, sed sufficere, quòd de Epistolis Paulinis lecta sit Epistola ad Romanos, aut ad Corinthios, & de Libris Regum lectus sit liber primus vel secundus, & id ipsum etiam sentiat P. Tob. Lohner Instr. Pract. 2. P. 2. Tit. 1. §. 9. n. 5. Aliique plures teste P. Claudio La Croix Tom. & L. 4. Q. 207. de Hor. Can. n. 1285. quòd*

sibi suffragari existiment Rubric. *Gener. Tit. 26. cir. n. 8.* Ego tamen cum Auctore Directorij Romani, aliisque apud cit. La Croix in Re Rubricistica Verfatissimis Viris, oppositum sentientibus, ac practlicantibus sentio, & cum iisdem admitto quidem, quòd, quando contingit minui Numerum Dominicarum, & Hebdomadarum post Epiphaniam, ob citius advenientem Dominicam Septuagesimae, id, quod superest de Epistolis B. Pauli [distributis pro Numero dictarum Dominicarum, & Hebdomadarum] omittendum omnino eò annò sit, quamvis de aliquibus Epistolis nihil sit lectum; quòdque id ipsum etiam sit servandum circa Libros Regum [de quibus legitur ab Octava Pentecostes usque ad Dominicam primam Augusti] tunc, quando Numerus Dominicarum, post Pentecosten de eis Libris usque ad Mensè Augusti annotatus, non expletur; hoc, inquam, utrumque admitto, utpote disertè statutum ac ordinatum num. 8. à paulò antè citata Rubrica; quia tamen illa plus non statuit, quam omittendas esse illarum Dominicarum ac Hebdomadarum Epistolas, ac Libros, etiam quoad horum, ac illarum Initia, quae ob occurrentem citius Dominicam Septuagesimae, aut Dominicam I. Augusti, omnino pro tali vel tali anno penitus extruduntur, ita, ut ijs cum praecedentibus Dominicis ac Hebdo-

Hebdomadibus celebrandis ante Dominicam Septuagesimæ, aut Primam Dominicam Augusti, non sit locus, ideo ex Num. 8. prædictæ Rubricæ non rectè inferitur, omittenda etiam esse *Initia* illarum Epistolarum S. Pauli [idem est de Libris Regum] distinctarum à *prima*, quæ incidunt in Dominicam, aut Hebdomadem aliquam post Epiphaniam ante Dominicam Septuagesimæ, & *Initia* illorum Librorum Regum, distinctorum à Primo, quæ incidunt in quamcunque Dominicam aut Hebdomadem ante Dominicam primam Augusti: imò si ejusmodi Epistolarum aut Librorum *Initia* poni die proprio non possint, poni ea debere vel in die aliquo sequenti, vel, etiam isthòc per Officium diversas à Scriptura occurrente habente Lectiones impeditò, in aliquo præcedenti die infra talem Hebdomadem, suaderetur. ex eò, quòd id insinuare videatur Rubrica extans Dominicam infra octavam Nativitatis Domini, ubi sequentia: *Hac nocte ponitur Epistola B. Pauli ad Romanos, & de ea, & alijs ejus Epistolis legitur usque ad Septuagesimam.* Suaderetur 2. Autoritate memorati Directorij Romani, quod tanquam Cynosuram omnium reliquorum, ubi manifesta non obstat Ratio, meritò attendimus; tum quia ab ipsa Sacror. Rituum Congregatione [quæ inspectante, ac tacitè saltem approbante, in lucem emittitur]

non potest non maximam accipere auctoritatem; tum quia, ut ex Teste pluribus annis Romæ versato accepi, ipse Summus Ecclesiæ Hierarcha in recitando Divino *Officio*. & celebranda *Missæ* juxta memoratum DIRECTORIUM ROMANUM dirigere se solet: hoc autem Festo S. Agnetis (proprias in I. Nocturno habente Lectiones) anno 1703. incidente in Dominicam 3. post Epiphaniam, posuit Initium Epistolæ ad Galatas Feriâ 2. subsequente, eò quòd Dominica præcedente poni nequiverit; & Festo Purif. B. M. V. anno 1700. cadente in Fer. 3. tiam post Dominicam 4. tam post Epiph. Feriâ 4. tiam subsequente posuit Initium Epistolæ ad Colossens: eò quòd illud suo die, nempe Feriâ 3. tiam præcedente, non potuerit poni. Pari modò cum anno 1704. Initium Libri tertij Regum Dominicam Septimam post Pentecosten ob Festum SS. Petri & Pauli in ea occurrens poni non posset, posuit illud Feriâ 3. tiam subsequente in die Octava Nativit. S. Joan. Bapr. Sententiæ auctoritate Directorij Romani stabilitæ accedit auctoritas R. P. Josephi Coquer Ord. SS. Trinit. in Expositione TABULÆ PERPETUÆ, extantis ad Calcem Manualis Bauldrynum. XXI. ubi eandem etiam ipse tradit.

Ad *Responsoria* quod spectat, si *Responsoria primi Nocturni* ejus Dominicæ, in qua primò ponuntur,  
C 2 pro-

propter Festum duplex in ea occurrens, in ipsa Dominica poni non possint, poni debent prima die illius Hebdomadæ, in qua Officium fit de Feria, omittis Responsorijs alijs, quæ fortè in illa Feria propria habentur: Si verò in tota Hebdomade non occurrat dies, in quo fiat de Feria, Responsorija illa ponenda sunt in sequenti Hebdomade, vel Dominica similiter non impedita, dummodo in ea non sint primò ponenda alia Responsorija: tunc enim pro eo anno forent penitus omittenda. Responsorija quoque, quæ in aliquibus Ferijs per Hebdomadam habentur, si eo die, quò posita sunt, non possunt dici propter Festum occurrens, non sunt transferenda in aliam diem, sed omittenda. *Rubr. Gen. Tit. 27 n. 7.* P. Tobias Lohner. Instruct. pract. II. P. 2. Tit. I. §. 10. de Responsor. post Lction. dicend. n. 4. & 5. superaddit modò dictis quædam alia (de mutando scil. Officio *Festi Simplicis* in Officium merè feriale, & transferendo Festo semiduplici in diem aliam, Festo duplici non impeditam, ut Responsorijs, quæ suâ Dominicâ primò poni non potuerunt, aliquando ponendis fit locus) de quibus tamen non modò nihil legitur in Rubric. ab eo citat. post Recognitionē Breviarj Clementinam, sed potiùs oppositum ex iisdem colligitur: id quod post hæc jam exarata etiam observatum reperio à Bar-

thol. Gavanto Tom. 2. Sect. 5. c. 13. n. 8. In *Ferijs* hisce *minoribus*, nisi occurrat Vigilia S. Matthiæ, usque ad Quadagesimam non dicuntur *Preces FERIALES*, sed tantùm (ad PRIMAM & COMPLETORIUM) *Preces Dominicales*: dicuntur tamen ad Laudes & Vesperas post Orationem diei, & Commemorationem Festi simplicis (si quod occurrat) Suffragia Sanctorum, & ante illa i. m. locò Commemoratio de Cruce. Alia nonnulla huc pertinentia vide infra Tit. De Dominica III. post Pentec. & Ferijs eam subsequenti. &c.

MISSA de Feria (nisi *Votiva*, vel pro *Defunctis* Missa de *Requiem* extra ordinem Officij dicitur) dicitur post Octavam Epiphaniæ usque ad Septuagesimam, quoties non occurrat *Festum*, vel *Octava*, vel *Sabbatum*, in quo fiat *Officium de B. Maria*. Relumitur autem in Ferijs eo tempore occurrentibus Missa Dominicæ proximè præcedentis, sed omisso *Gloria* & *Credo*: dicitur tamen in ijs post Graduale *Alleluja* cum versu subsequ. perinde ac in Dominica. Oratio 2. usque ad Purificationem est de S. Maria: *Deus, qui salutis æternæ* &c. 3. vel *contra Persecutores Ecclesiæ*, vel *pro Papa*. prout notantur Dominicâ 2. post Epiph. Post Purificationem verò Orat. 2. *A cunctis* 3. ad Libit. nisi vel ratione *Ferie II.* vel ratione *Mensis* dicenda sit *secundò* seu penultimò locò Oratio *Fidelium*,

lium, cum correspondente sibi *Secre-  
sa*, ac *Postcommunione*, ut postea di-  
cetur. In fine: *Benedicamus*. Col.  
Virid. Dixi autem: *Nisi Missa Vo-  
tiva*, vel *de requiem extra ordinem*  
*Officij dicatur*: Constat enim i. ex  
Rubric. Gener. IV. Missalis, die-  
bus infra Hebdomadem, in quibus  
Officium non sit de *Festo duplici*, vel  
*semiduplici*, nec de *die infra Octa-  
vam*, nec de *Ferijs Adventus*, *Qua-  
dragesima*, *quatuor Temporum*, *Roga-  
tionum*, & *Vigiliarum*, sed de *alia Fe-  
ria* per annum ( in qua tamen non  
sit resumenda *Missâ Dominicâ præce-  
dentis*, quæ fuerit *impedita* ) dici  
posse locò *Missæ Ferialis*, etiam *prin-  
cipalis*, seu *Conventualis*, aliquam  
ex illis *Missis Votivis*, quæ in Mis-  
sali Romano cuius Hebdomadæ  
diei post Missam de Anniversario  
Dedicationis assignantur, cum Com-  
memoratione tamen *Feriæ*, de qua  
factum est Officium, nec aliam, vel  
alias, quàm eam dicendo, locò *Mis-  
sæ Principalis*, quæ cuius diei pro-  
pria ibidem assignatur. Constat 2.  
ex Rubric. Gen. V. n. 1. & 2. Die-  
bus ibi expressis, ac infra referendis  
aliquando posse, & interdum etiam  
debere fieri Missam Principalem ge-  
neraliter pro Defunctis Sacerdotib.  
& Benefactorib. ac alijs; vel saltem in  
Missâ de die faciendam Comemora-  
tionem pro Defunctis; aut denique  
in certis Ecclesijs 2. cantandas esse  
Missas, unam pro Defunctis, aliam  
de die, ut ibi.

Vesperæ de FERIA CURRENTE di-  
cuntur hoc Tempore unâ cum Com-  
pletorio ut in Psalterio ( præponendo  
suffragijs Communibus Sanctorum  
Commemorationem de Cruce ) quo-  
ties die postero non est faciendum  
de Festo, aut de B. V. in Sabbato.  
Quòd si hodie factum fuerit, de *Fe-  
ria*, postero autem die faciendum sit  
de Festo 9. Lectionum, terminatur  
Officium FERIALE ad NONAM, & Ve-  
speræ hodiernæ cum Complerorio  
dicentur de Festo illo subsequente,  
sive Commemoratione hodiernæ *Fe-  
riæ*; si verò cras faciendum sit de  
Festo simplici, seu trium Lectionum,  
aut de B. V. in Sabbato, tunc Vespere  
hodiernæ quidem usque ad Ca-  
pitulum exclusivè dicentur de FERIA  
CURRENTE, ut in Psalterio, à Capitu-  
lo autem fiet de crastino Festo 3. Le-  
ctionum, aut de B. V. MARIA in  
Sabbato ( omissa Commemoratione  
de FERIA CURRENTE, & de S. Cruce )  
ut suis notatur locis.

Quòd si hodie occurrat *Festum*  
*simplex*, seu *trium Lectionum*, cras au-  
tem faciendum sit de FERIA, aut de  
alio Festo simplici cras occurrente,  
tunc, quia Officium Festi hodierni  
simplicis terminatur ad NONAM, Ve-  
speræ hodiernæ dicendæ sunt de *Fe-  
ria* hodierna CURRENTE ut in Psalterio,  
& quidem totæ, si cras faciendum  
sit de FERIA ( ac tunc cum Comme-  
moratione de S. Cruce ) vel saltem  
usque ad Capitulum, si cras occurrat

aliud Festum simplex ( de quo fiat Officium ) vel faciendum cras sit de B. V. MARIA in Sabbato, modò ante, & suis locis annotatò.

Quia extra Adventum, Quadragesimam, & Tempus Paschale, Primà cuiusque Mensis die, non impedità Festo 9. Lectio-num, tenentur obligati ad Chorum recitare Officium Defunctorum, etiamsi omnes dies Mensis usque ad ultimam forent impediti, & mox sequenti die id iterum foret recitandum, ut habet Rubrica Brev. Rom. Officio Defunctorum præfixa, & To. 2. tradit Gav. Sect. 9. c. 2. n. 11. & 15. ideo si aliqua illarum Feriarum, quæ post Octavam Epiphaniæ usque ad Septuagesimam occurrunt, sit dies prima Mensis non impedita Festo 9. Lectio-num, dicendum ab illis in illa erit Officium Defunctorum, Ritu in eadem Rubrica descripto, ut scilicet ( nisi alia sit consuetudo Ecclesiarum ) id in Choro dicatur post Officium diei, id est, Vesperæ post Vesperas, & Matutinum post Laudes dici, dictò post utrasque *Benedicamus*, omisso autem sequente versu: *Fidelium anima &c.* ut item ( omisso *Invidatorid.* & Psalmò *Venite* ) Ferià II. & V. dicatur I. Nocturnum: Ferià III. & VI. Secundum Nocturnum. Ferià IV. & SAB-BATO Tertium Nocturnum.

Quia insuper ( extra Adventum, Quadragesimam, & Tempus Paschale ) prima die cuiusque Men-

sis, non impedità Officiò 9. Lectio-num, juxta Rubric. Gen. Missal. Rom. Tit. V. dicenda est Missa Principalis ( quotidiana ) generaliter pro defunctis Sacerdotibus, Benefactoribus, & alijs, aut, quando in eadem occurrit Festum simplex [ quo Nomine hinc etiam venit *B. V. in Sabbato* ] vel FERIA aliqua, propriam habens Missam, vel resumenda est Missa Dominica præcedentis, quæ fuit impedita, nec infra Hebdomadem alia occurrit dies, in qua resumipotest, tunc in Ecclesijs Cathedralibus & Collegiatis duæ dicendæ sunt Missæ Conventuales, seu Principales [ una pro Defunctis, altera de Festo simplici, vel FERIA aut Dominica prædicta ] in Ecclesijs autem alijs, id est, nec Cathedralibus, nec Collegiatis in Missa de die currente dicendâ, uti & in Missis privatis [ ubi ubi demum dicantur ] faciendâ est Commemoratio generaliter pro Defunctis, dicendo penultimò locò Orationem *Fidelium &c.*, ideo huic quoque Rubricæ mos gerendus erit, si aliqua Feriarum hujus Temporis sit prima dies Mensis non impedita Officio duplici, vel semiduplici. Putat tamen P. Tobias Lohner Instruct. 1. P. 4. Tit. 3. prædictam Missalis Rubricam quoad obligationem sub peccato intelligendam solummodo esse de Missa Conventuali, seu Principali, nullò autem modò de privatis, sive præscriptarum ab ea Missa, sive solum Commemora-



gio, quæ sit per Collectam seu Orationem: *Fidelium*; citaturque pro se Claud. Arnaudum Epit. Tr. 1. P. 3. Tit. 5. n. 1. & 2. Quidquid autem sit de culpa Theologica, non tamen salva Rubricâ in Missis etiam privatis omitti posse ijs diebus, in quibus vel Missa, vel saltem Commemoratio pro Defunctis ab ea præscribitur, Orationem *Fidelium*, nisi locò Missæ de die currente legatur Missa ipsa quotidiana pro Defunctis per modum Missæ votivæ cum 3. Orationibus, ut ibi, ego infra P. III. Tit. de Officio & Missis Defunctorum §. 2. ostendere conabor.

FERIA II. Cujusque Hebdomadæ, in qua hoc Tempore fit de Feria, potest juxta modò allegatam Missalis Rubricam Missa Principalis dici pro Defunctis, nisi resumenda sit in ea Missa Dominicæ præcedentis, ut supra; tunc enim in Missa Principali [de die currente dicenda] tantum fit Commemoratio pro Defunctis generaliter [uri etiam, si in Feriam II. incidat hoc tempore Festum simplex] modò pariter antè dictò.

In Missis autem privatis, quæ Ferijs II. non impeditis Officio duplici aut semiduplici hoc Tempore dicuntur, penultimò locò dicitur Oratio: *Fidelium* &c. nisi locò Missæ de die currente dicatur per modum Votivæ Missa de *Requiem*; in Missis enim Defunctorum, in quibus plures dicuntur Orationes, Oratio

*Fidelium* semper est ultima; nec in hujusmodi Missis dici potest Oratio pro *Vivis*, aut ea, quæ est *Communis Vivis & Defunctis*. Porro cum plures dicuntur Orationes in his & alijs Missis Defunctorum [uti semper dicuntur, exceptò die *Commemorationis omnium Fidelium Defunctorum*; nec non die *Obitus*, seu *Depositionis Defuncti*, excepto item die *Depositionis Terriò*, *Septimò*, *Trigesimò*, & *Anniversariò* ejusdem; in quibus, uti & quodocunque pro Defunctis *Solemniter* celebratur, non nisi una dicitur] tunc, si Missa funebris privata dicatur pro *Sacerdote*, aut *Sacerdotibus*, primò locò dicitur Oratio *Præsta, quæsumus* &c. Si pro pluribus: *Animabus* &c. aut *DEIS, cui proprium*, prout notantur in Missali post Missas Defunctorum, Titulo: *Orationes diversæ pro Defunctis*.

Plura huc pertinentia vide infra Tit. de *Dominica III. post Pent. & Ferijs infra eam Hebd. occurrentibus*, nec non. P. 3. Tit. de *Offic. & Miss. Defunctor.*

DIEBUS INFRA HEEDOMADAM, in quibus hoc Tempore Officium fit de *Feria*, dici potest aliqua ex Missis Votivis, etiam in *Principali* Missa, quæ vocatur *Conventualis*, attamen nonnisi secundum *Ordinem dierum* in *Fine* Missalis assignatum, & cum *commemoratione Feriæ*, de qua factum est Officium; modò in ejusmodi *Feria* non sit resumenda Missa  
Domi-

Dominicæ præcedentis, quæ fuerit impedita, & salvis Rubricis supra allegatis ex Tit. earum V. n. 1. & 2. de dicenda Missa Principali generaliter pro Defunctis 1. die cujusque Mensis non impedita Officio 9. Lectionum, & quavis Feriâ 2. in qua Officium sit de Feria, ut ibi. *Rubr. Miss. Tit. 4. n. 3.* & *Gav. ibid.* Casus autem, in quo in *Ferijs minoribus* hujus Temporis resumenda est *Missâ Dominicæ præcedentis* (adeoque *Missâ Principali* generaliter pro Defunctis, aut loco *Missæ* concordantis cum Officio diei una ex supra dictis *Votivis* in ejusmodi Feria caneri non potest) est hic: Quando nimirum Festo duplici DOMINICA fuit impedita, & in Hebdomade eam immediatè sequente contingit fieri OFFICIUM de Feria: tunc enim in hac absolutè *Missâ conventualis* debet esse de *Dominica*, sicque resumenda est *Missâ Dominicæ præcedentis*, de qua, ne tota diceretur *Missâ* eodè die, quò occurrebat (sed *Oratio tantum*, & *ultimum Evangelium*) obstitit occurrens in ea *Festum duplex*: Quæ tamen Rubricarum *Missalis* Dispositio, eos duntaxat respicit, quibus obligatio incumbit dicendi *Missam Conventualem Officio concordantem*: qui proinde in casu posito non possunt facere *Missam conventualem* *Votivam*, aut *pro Defunctis*, sed debent eam facere de *Dominica præcedente*, attamen ritu feriali, sine

*Gloria & Credo*. Quòd si verò in casu, quo *Dominicæ præcedentis Officium & Missâ* à Festo duplici in ea occurrente fuerunt impedita, infra Hebdomadem occurrant plures *Feriae*, in quibus fiat *Officium de Feria* corrente, adeoque in earum aliqua (v. g. *Feria 2.*) resumenda est *Missâ Dominicæ præcedentis*, *Feriâ* autem 3. etiâ, aliâve subsequente iterum *Officium* fiat de *Feria* ejusmodi minore, tunc, cum præcedentis *Dominicæ Missâ* jam fuerit semel resumpta, permittunt *Rubricæ* *Missam* *Principalem* discordare ab *Officio*, & *Votivam Conventualem* dici alteri illi *Feriae* in *Missali* assignatam. Ac verò in *Ordine* ad dicendam *Missam Principalem generaliter pro Defunctis* in casu, quo resumenda est *Missâ Dominicæ præcedentis*, res paulò aliter se habet: Nam posito, quòd prima *Mensis* die (extra *Adventum*, *Quadragesimam*, & *Tempus Paschale*) fiat *Officium de Feria* per annum, & intra eandem *Hebdomadam* denuo *Officium feriale* in aliqua *Feria* recurrat, eò casu primâ illâ *Mensis* die dicenda est juxta *Rubric. V. Missal. n. 1.* *Missâ Conventualis* generaliter pro *Defunctis* (ab ijs scilicet, quos juxta antè dicta hæc *Rubrica* concernit) ac tum primùm in alia *Feria* resumenda est *Missâ Dominicæ præcedentis*; si verò infra eandem *Septimanam* alia similis *Feria* non occurrat, quâ

Missâ

Missæ præcedentis Dominicæ resumitur post, tunc in Ecclesijs Cathedralibus & Collegiatis prima Mensis die, si in ea occurrat Festum Simplex, vel Feria propriam habens Missam ( uti habent *Feria 4. Tempor.* Item *Vigilie*, quæ jejunantur ) vel resumenda sit Missa Dominicæ præcedentis, ob occurrens in ea Festum duplex, cantandæ sunt 2. Missæ, una pro Defunctis, altera de Festo simplici, aut Feria prædicta: In Ecclesijs verò non Cathedralibus, nec Collegiatis dicenda est Missa de die, cum Commemoratione generaliter pro Defunctis per Orat. *Fidelium*. Rubric. Missal. V. cit.

Plura huc pertinentia vide iterum infra Titulo de Dominica III. post Pentec. &c. superius allegato.

Porro Missa *Conventualis* & *Solennis* in *Festis Simplicibus*, & *Ferijs* per annum dici de ijs debet juxta Rubricas Missal. Rom. *Tit. 15.* post *SEXTAM*. In *Festis duplicibus semiduplicibus*, *Dominicis*, ac *infra Octavas* de omnibus istis post *Tertiam* in Choro dictam: excipiuntur tamen ab hoc Ordine dicendi *Missam Conventualem* tres illæ, quæ dicuntur in *Nativitate Domini*; siquidem *Prima* illarum dicitur post *Mediam Noctem*, finito *Te Deum Laudamus* in Matutino; quia *Nocte* natus est Christus: *Secunda* in *aurora* ( quia eâ horâ creduntur Pastores adorasse Christum natum ) dicitur *Laudibus* & *Primâ*:

*Tertia* denique in die post dictam in Choro *TERTIAM*, nisi alicubi aliter ex Dispensatione sedis Apostolicæ disponatur. Pro *Defunctis* juxta eandem Rubric: regulariter cantari debet Missa post *Primam*. Dixi *regulariter*; ubi enim dicuntur eorum *Vigilie* manè post Matutinum diei, dicitis hujusmodi *Vigilijs* cum *Laudibus* immediatè dici potest Missa pro *Defunctis*. Excipe diem *Commemorationis omnium Fidelium Defunctorum*; eo enim die *Missæ Conventualis* de iisdem dicitur post *NONAM*; quia eo die est *Principalis*. In die quoque *Depositionis Defuncti*, nec non *Tertiò*, *Septimò*, *Trigesimò*, ac *Anniversariò Solemni* ejusdem, in quo fit *Concursus Populi*, poterit similiter dici ultimò *Locò* post *NONAM*; in quo casu ( ut Gerlacus Vinitor in *Compend. Sac. Rit. P. 4. Tit. 8. n. 7.* observat ) *NONA* in Choro cum alijs *HORIS* immediatè post *Sextam* cantabitur. In *Adventu*, *Quadragesima*, *4. Temporibus* ( etiam illis, quæ veniunt infra *Octav. Pentecostes* ) & *Vigilijs*, quæ jejunantur, ut ut sint ( ob occurrens v. g. in ijs Festum ) dies *Solennes*, *Missæ de Tempore* nihilominus cantari debet post *NONAM*.

*Missæ* quoque *Votivæ* quia non correspondent *Officio*, si *Solemni* celebrantur pro Re gravi, vel publica Ecclesiæ causa cum *Populi* frequentia, dici debent juxta Rubric. post *NONAM*.

D

Missæ

*Missa* denique *privata* (sive *Privata*, sive de die *currente*) dici possunt, post dictum saltem Matutinum & Laudes, quacunque horâ ab Aurora, usque ad Meridiem; Unâ etiam horâ ante Auroram, & una post Meridiem à *Privilegiatis* sumendo utrobique auroram non physicè, sed Moraliter, & politicè, pro Tempore, quo terminari solet Hominum quies, & inchoari labor, juxta probatam Regionum consuetudinem; modò *Privata privata*, aut etiam *solennes*, non dicantur diebus à Rubricis Missal. Tit. 4. & 6. aut à Sac. Rt. Congregat. prohibitis. Vide Gaviant. Tom. 1. cit. P. I. Titul. 15. n. 1. & 2. Ubi inter alia notat, quòd *Missa Parochialis* (& à fortiori quacunque alia) sine cantu dicta non sit *Conventualis* in sensu, quo istam Sumunt Rubricæ Missalis, quantumvis ad eam conveniat Populus, seu Loci Clerus.

Cæterùm Rubricas Generales Missal. Tit. III. n. 1. & Tit. VII. n. 2. de *cantandis* duabus *Missis* in *Ecclesijs Cathedralibus*, & *Collegiatis*, in quibus plures Sacerdotes quotidie celebrant, in *Ferijs Adventus*, *Quadragesima*, ac *quatur Temporum*, nec non in *Rogationibus*, & *Vigilijs*. si in ijs occurrat aliquod *Festum duplex*, aut *semiduplex*, vel *dies Octava*, unâ scilicet de *Festo* post *TERTIAM*, alterâ de *Feria* aut de *Rogationibus*, aut de *Vigilia* occurrente post *NONAM*, absque

ulla utrorumque Commemoratione, has, inquam, Rubricas esse *præceptivas*, & quidem sub gravi (utpote de re gravissima) auctoritate, ac Ratione probant Gavantus Tom. 1. P. 3. Tit. 11. n. 7 & Gerlac. Vinitor in *Compend. Sac. Rit. P. 1. Tit. 7. §. 1. & 2.* Par ratio est Rubr. Gen. Missal. V. n. 1. præcipiente, ut extra *Adventum*, *Quadragesimam*, ac *Tempus Paschale*, *Primâ* die cujusvis Mensis non impeditâ Officio *duplici* vel *semiduplici* dicatur *Missa* *Principalis* generaliter pro *Defunctis* *Sacerdotibus*, & *Benefactoribus*, ac alijs; hoc tamen addito, ut, si in ea occurrat *Festum simplex*, vel *Feria*, quæ *propriam* habet *Missam*, aut *resumenda sit* *Missa* *Dominicæ præcedentis*, quæ fuit impedita, ac infra *Hebdomadam* non occurrat alius dies, in quo *Missa* *Dominicæ* resumî possit, tunc in *Ecclesijs Cathedralibus* & *Collegiatis* dicantur 2. *Missæ*, una pro *Defunctis*, alia de *Festo simplici*, vel *Feria prædicta* per superius citatam Rubricam: in *Ecclesijs* autem non *Cathedralibus*, nec *Collegiatis* (respectu quarum non perinde gravis urique datur ad id, quod dicam, obligatio) dicatur *Missa* de die, cum *Commemoratione* generaliter pro *Defunctis*.

Excipiuntur *dies Depositionis Defuncti*, item *Anniversarius* pro *Defunctis*, in quibus *Missa* *Conventualis* etiam in *Festo* *semiduplici*, imò & *duplici*, quod non est de *Præcepto*, seu

feu Festum Fori ( h. e. habens annexam obligationem audiendi Sacrum, & vacandi ab opere servili ) dici potest. Dixi autem supra 1. In Eccles. Cathedr. & Collegiat. in quibus plures Sacerdotes quotidie celebrant; nam in ijs Ecclesijs, in quibus una tantum celebratur Missa in Festis Sanctorum, Missa Conventualis cantanda est de Sancto itidem post TERTIAM, & in ea fieri debet Commemoratio Feriæ; quia respectu talis Ecclesiæ cessat Ratio Rubricæ de cantanda Missa altera de Feria. Dixi 2. Si aliquibus Ferijs ibi nominatis occurrat aliquod Festum duplex, vel semiduplex, vel dies Octava. Quibus verbis Rubrica insinuat primò: occurrente Festo duplici in Dominica, nunquam fieri duas Missas Conventuales, uti fiunt eo occurrente in Ferijs Privilegiatis; tum quia Missa Dominicæ resummi potest infra Hebdomadem; tum quia utraque dicenda esset post TERTIAM, quod inconueniens censetur. Gav. Tom. 1. p. 1. Tit. 7. n. 2. Insinuat 2. Si in Ferijs ibi nominatis occurrat duntaxat dies infra Octavam, non perinde dicendas esse in Eccles. Cathedr. & Collegiat. 2. Missas Conventuales, Unam de Octava, alteram de Feria &c, uti tamen dicendæ sunt, quando in illis occurrat ipsa dies Octava alicujus Festi. Rationem Disparitatis dat Gavant. ad cit. Rubr. Gen. III. Missal. n. 1. lit. I. & difertè traditur in eadem Rubr. n. 2.

ubi præcipit, ut in Vigilijs, & Ferijs 4. Tempor. nec non Fer. 2. Rogat. quando eæ veniunt infra aliquam Octavam, Missa dicatur de Vigilia, vel Ferijs prædictis cum Commemoratione Octavæ: quo proinde in casu Missa discordat ab Officio, diciturque in Paramentis Violaceis; Altaris tamen ornatu sequente quoad colorem non Missam, sed Officium, extra Missam saltem Principalem. Verum excipit eadem Rubrica recentior Missalis ibidem n. 2. dies infra Octavam SS. Corporis Christi; nam si infra hanc Octavam occurrat aliqua Vigilia ( v. g. S. Joann. Baptistæ ) in Ecclesijs Cathedralibus, & Collegiatis omnino cantandæ sunt 2. Missæ Convent: Una de Octava post TERTIAM; altera de Vigilia post NONAM: Missæ autem privatæ dici jubentur de Octava, cum Commemoratione Vigilia in dato casu. Facit dein ibidem aliam insuper Exceptionem Universim circa Vigilijs, dum ait: si aliqua Vigilia occurrat in Festo aliquo I. mæ Classis, tunc nec in Officio, nec in Missa talis Festi aliquid faciendum esse de Vigilia, ne quidem Commemorationem.

SABBATO, infra Hebdomadam II. aut infra reliquas deinceps post Epiphaniam Hebdomadas usque ad Septuagesimam occurrente dicitur Officium, & Missa modò Superiùs Titulo 2. de Sabbatis post Octavam Epiph. usque ad Septuages. &c declarato.

ratò. Idem est de alijs Ferijs pro- riter fit *Officium & Missa*, ut suprâ.  
ximè præcedentibus, de quibus pa- Tit. 3. &c.

## TITULUS VI. De Dominica III. IV. V. & VI. post Epiph. in genere.

**Q**UOD si Tempus ab *Octava Epiphaniæ* usque ad *Septuagesimam* fuerit breve, ita, ut *Officia* unius, vel plurium *Sequentium Dominicarum* (nempe III. IV. V. aut VI.) non possint expleri suis diebus, tunc *Officia* illarum, quæ supersunt post Dominicam II. post Epiphaniam, omittuntur pro tunc eò annò, ac resumuntur (quoad *Orationem* tamen duntaxat, *Epistolam*, *Evangelium*, & *Antiphonas* ad *Benedictus*, & ad *Magnificat*) post Dominicam 23. post Pentecosten, Modò ac Ordine ibidem in propria Rubrica descriptò, uti & Tit. IV. in Rubric. General. num. 3. & 4.

Cùm verò interdum contingat, ut Dominica III. vel IV. vel V. vel VI. post Epiphaniam dictò modò ita Superfit, ut ea poni suò locò nec possit ante Septuagesimam, nec poni etiam possit post Dominicam XXIII. à Pentecoste (utì circa Dominicam VI. contigit 1710. circa IV. verò 1711.) ideo juxta Rubr. Gen. III. n. 4. & 5. ac Gav. To. 2. Sect. 6. c. 8. n. 7. nec non Josephum Coquer in Expositione Tabulæ à n. 16. tunc fiet de ejusmodi Dominica in Sabbato Dominicam Septuagesimæ immediatè antecedente, non impedirà Festo 9. Lctionum, seu occurrente, seu translato; alioquin in alia die anteriore illius Hebdomadæ similiter non impedirà (quæ tamen sit omnium proxima ipsi Sabbato) dicendò Sabbatò illò, aut die illà *Officio* 9. Lctionum non impedirà, *Officium* de Feria currente ut in Plalterio, cum Commemoratione Festi simplicis, si quod ea die occurrat, legendòque 3. Lctiones de Homilia talis Dominicæ anticipatæ, omittis proin, vel translatis (si sint Initium aliquod, & dies, quo hoc ponatur, Superfit) Lctionibus Scripturæ illius Feriæ, atque etiam Lctione de Festo simplici, si quod fortè occurrat, pariter omittà; dicendo autem Responsoria Feriæ currentis, nisi fortè tria prima Responsoria Dominicæ anticipatæ nondum illò annò sint recitata; tunc enim Responsoria illius Dominicæ loco Responsoriorum Feriæ currentis poni debent, ex I. Nocturno ejusmodi